

روايه خادمتي الجميله

الفصل الاول

ف عماره جميله .... بنوته جميله اسمها ريم . بتمسح شقتهم . و فاتحه الباب و سايبه شعرها الطويل الجميل الناعم متبهدل ع جسمها و لبسها اللي مش مترتب من شغل البيت . و بتمسح ب همه و شطاره . ريم عندها ٢٣ سنه . كليه ادا ب و السنه دي بتعمل سنه تربوي ف كليه التربيه و دي اخر سنه ليها ف الدراسه . بنوته جميله جدا و رقيقه و عندها توأم اسمها بسمه بس مخلصه كليه حقوق . عايشين مع جوز امهم ... لان مامتهم ماتت من سنه . و باباهم ميت ف حادثه من وهما اطفال .

ريم بتمسح و بتغني بصوتها الجميل . اغنيه رومانسيه . بصوتها الرقيق . الانثوي ..

ف نفس الوقت دا كان ف راجل كبير ف السن طالع ع السلم و معاه راجل ثاني ف سن ٢٨ سنه بس كان باين عليه ابن ناس اوي . كان طالع ع السلام بثبات و عيون ف قمه الجمال و غمازات ظاهره ع خدوده الرجولييه حتي من غير ما يضحك . و جسمه الطويل و الممشوق و القوي . و شعراته و لبسه و ريحته . كل حاجه فيه تجنن . و اسمه جاسر ....

و كل اللي يلحمه ف العماره . يستغرب . واحد فخم زي دا . جاي هنا ليه ؟

عم متولي : معلش يابني المكان مش قد كده جاسر بصوت رخيم : لا ابدا يا عم متولي . عجيني . فجاه وصل ل ودانهم صوت ريم الرقيق الانثوي و هي بتغني . جاسر اول ما سمع الصوت دا . استغرب و ملامحه اتغيرت للذهول . معقول ف حاجه بالجمال دا . عم متولي وهو بيضحك : يخرب عقلك يا ريم . جاسر وهو بيبص ل متولي بدهشه . بس ودانه مركزه مع الصوت . جاسر بتساؤل : مين ريم دي ؟ متولي بتواضع و خجل : دي ريم . دول هيبقوا جيرانك . شقتك هتبقى قصاد شقتهم . جاسر بتفكير . لا و مالو . اهو بالمره نسمع صوتها دا كل شويه . متولي و حس بالخجل الممزوج بالضحك : هي مجنونه بس بنت حلال والله . جاسر بتأكيد : اكيد . و الا هيبقي ليا تصرف ثاني . و بص ل متولي ببرود و قال . انت عارف اني بدايق بسرعه و مش اي حاجه تعجبني بسهولة . متولي بتواضع . اكيد يابني . ان شاء الله المكان هيعجبك .

وهما طالعين ع السلام . جاسر عيونه سبقاه

كأن الفضول هيقتله و يقرب اكثر من الصوت دا . و يشوف صاحبه الصوت العذب  
دا .

عم متولي ب تمهيد . اهو يا جاسر بيه دي اخر سلمه .  
جاسر بهدوء . تمام

فجاه وصلوا ل اخر سلمه ف السلام و ياريتهم ما وصلوا  
فجاه خرجت ريم و هي بترش ميه ب اندفاع ناحيتهم و هي بتغني بحماسه و  
بتنهي مقطع موسيقي و مغمضه عيونها .

جاسر كان مندمج ف الصوت بتاعها . فجاه كائن غريب ظهر قدامهم . و فجاه  
الميه غلوشت الرؤيه . ف شهق جاسر بقوه .

متولي بصدمه يا خبر ابيض . انت كويس يا جاسر بيه ؟

فتحت ريم عيونها بارتياح و فرحه . و رضي من نفسها انها غنت بالروعه دي  
فجاه اتخضت و عيونها برقت و حطت ايدها ع بؤها بصدمه .....

جاسر باندهاع . ايه الأرف دا . ايه اللي هببتيه دا . و بصوت اقوي قال انتي  
اكيد مجنونه .

ريم مش قادره تاخذ نفسها و مرعوبه من الكائن الغاضب دا . و مكثوفه و  
خايفه .

جاسر بعنف . ما تردي . ايه اللي هببتيه دا . و لا انتي كمان خارصه .  
ريم ف الاول قررت التماسك بس لما كلمها بالاسلوب دا و الصوت دا .  
ريم بصوت باكي ضعيف اسفه والله مكنش قصدي  
جاسر بشراسه هو ايه اصله دا . اعمل ايه باسفك دا . هه . قوليلي  
قربت ريم من متولي و استخبت فيه  
ريم بخوف و صوت ضعيف : عم متولي .

جاسر و بقت المسافه بينه وبينها قريبه  
جاسر بقوه. قال بتخافي يعني .ايه المسخره و الارف دا . و بص ل عم متولي  
وقال بقوه بقا دي اشكال تجيبني اعيش جمبهم يا متولي .

ريم بغضب من كلامه . اشكال مين . انت مش شايف نفسك . ف حد متربي . يعلي صوته  
و يتكلم بالهمجيه دي .

جاسر و بيقترب وشه منها و عيونه كلها شرار . انتي تخوسي خالص .كفايه اللي  
نيلتيه  
ريم وهي بتحكم بقبضتها الصغيره بقوه ع جسم عم متولي و بتخبي راسها فيه  
خوف من جاسر و عيونه اللي كلها كره .

عم متولي برجاء خلاص يا جاسر بيه .حقك عليا انا .تعالى نروح شقتك .

جاسر بهدوء مصطنع اه ياريت .مش طايق ابص للقرف دا . و وصلها بقرف . دا  
منظر بنت ؟

ريم فتحت عيونها بصدمه و قد ايه كلامه و نظرتة الساخره وجعتها .ف صرخت  
بيكاء ضعيف و اندفعت بسرعه ناحيه باب شقتهم و قفلته بقوه و بدات ف  
البكاء .

عم متولي بزعل ع ريم . ليه كده يابني .كسرت بخاطرها  
جاسر وهو واقف بثبات وملامح غاضبه ع وشه . و عيونه ع الباب اللي اتقفل من  
شويه بقوه .بواسطه جسم انثي ضعيف هش بصوت باكي مجروح .  
جاسر بشماته . انا عملت ايه يعني . عجبك اللي هي عملته .خليها كده .صوت  
عياطها احلي بكتير من صوت غناها .

و بعد عيونه عن باب شقتها ب اهمال و راح شقته اللي قصاد شقتها و متولي مشي وراه ب طاعه و زعل ع ريم . هو عارفها كويس اوي . و بيحبها زي بناته .

ريم دخلت الشقه و عيونها البريئه كلها دموع . و بتعيط بوجع و شهقات مسموعه بطريقه طفوليه و كأنها مستنيه حد يجي يراضيها و يصلحها . بعدها ب دقائق هدات و بدات تبص حواليتها بزعل ووجه عابس . كأنها مستنيه من اثاث البيت انه يصلحها او يقولها متزعليش . فجاء افكرت جاسر بجسمه و هيأته و ملامحه و زعلت و خافت اكثر لما كلامه بدأ يتردد بقوه بداخلها ريم قامت بسرعه ع اوضتها و بصت ف المراه . ب عبوس اطفال لقت عيون ب لون جميل و شفائيف انثويه وردي طبيعي و حدود جميله و شعر طويل ولكن غير مرتب و هدوم كلها ميه و مساحيق تنضيف .

ريم بدفاع عن انوثتها . انتي عثوله ابت . بس انتي كنتي بتنضفي . و النضافه حاجه حلوه . هو اللي مش كويس .

ريم ب تركيز مفاجئ مين دا و بيعمل ايه ف عمارتنا . فجاء سمعت جرس الباب ريم راحت ع الباب و متفائله ان بسمه تؤامها هي اللي ع الباب ريم فتحت الباب و ببسمه و سعادته . بسمه ! فجاء ملامحها اتحولت للدهشه و لما دققت اكثر ف عيونه القاسيه خافت . فجاء اتحول وشها ل عبوس طفولي . و قفلت الباب ب خفه و حركات انثويه بدلع . و غرور

جاسر بعيون مصدومه من رده فعلها لما شافته جاسر بصوت عنيف علشان يخوفها انتي يا بتاعه انتي . انتي مبتحرميش . افتحي الزفت دا بدل ما اكسره

ريم واقفه ورا الباب و سانده بجسمها كله عليه وكان ع وشها ابتسامه نصر انها انتقمت منه و اخرجته . زي ما اخرجها فجاء بوءها فتح من الصدمه و فتحت الباب بسرعه

ريم باندفاع و عيون ناريه ع فكره انت انسان مش متحضر . ايه الاسلوب دا !

جاسر بنفاد صبر و تماسك و عيونه ف عيونها بشراسه قالها بصوت بارد مستفز . انا بتعامل كويس مع البنات الجميله مش مع امثالك و مسك طرف شعرها وقال بقرف . ايه دا ؟ دا منظر بنت

ريم بخدود حمرا من قله ذوقه و اقتحامه و اهانتها ف انوثتها  
دفعت ايده بتذمر و ضعف  
و بتبصله بعيون غاضبه بتغزوها الدموع

جاسر ببرود المهم .متولي قالي خلي ريم توضب شقتك ع هو ما يروح يشتريلي  
اكل علشان يجهز هولي .

ريم : نعم ؟؟؟؟ انت فاكر نفسك مين يعني .لا طبعا .  
جاسر بتذمر غاضب مليش دعوه .مش مشكلتي .هو قالي دا واجب ضيافه من  
الجيران .

ريم حبت تدايقه .واجب الضيافه دا بنعمله مع الناس المحترمه مش .....

فجاه قاطعها صوت حسن من ع السلام .  
حسن بقسوه ريم ؟ ايه اللي بتعمله دا  
ريم و رجليها بدات ترجع خطوات ل ورا بخوف  
و جاسر خد باله و بصلها باستغراب .  
حسن راح بسرعه قدام جاسر  
حسن اتفضل حضرتك يا بيه ع شقتك وهي هتيجي تروقلك الشقه .متولي قالي ع  
حضرتك

جاسر بعيون مدهوشه و عيونه ع حسن و ساعات بيمررها ع ريم . و لاحظ خوفها و  
انكماشها

جاسر بصوت رخيم و حضرتك تبقي مين  
حسن و بص ل ريم بعتاب انا بابا ريم  
جاسر بصوت صارم بنتك لسانها طويل .ياريت تربيهها و بص ل ريم ببرود  
ف اتحولت نظرات ريم الخائفه ل نظرات رعب ...  
جاسر مهتمش و مشي بثبات راح ع شقته اللي قصادهم .

فجاه وقف  
جاسر بتذكر . اه صحيح .  
و بصلهم . ياريت هدومها دي تغيرها او تستحمي قبل ما تجيلي . تمام؟  
حسن ب اسراع .حاضر يا بيه  
ريم و بتبص ل جاسر بوجع وحاسه بظلم .  
جاسر راح شقته و قفلها

ريم واقفه مرعوبه  
اول حسن ما بصلها .جريت ع اوضتها  
حسن دخل وراها بسرعه وقفل باب الشقه  
حسن بغضب وهو رايح ع المطبخ . اه يابنت الكلاب

و فجاءه جاب خرزانه او عصا صلبه ومسكها بغيظ وقال بغضب وربنا يربيكى من اول و جديد يا بنت الكلب .

ريم وهي بتجرى بسرعه ع الاوضه وقلبها هيقف .جه ع بالها تستنجد ب جاسر .فجاءه نفضت الافكار دي .دا هو اللي سخن حسن عليها  
ريم بخوف وبتحاول تزق باب اوضتها علشان ميفتحش لحسن  
حسن وصل باب اوضتها و بيزق  
ريم بخوف انا اسفه والله مش هتتكرر تاني . انا كنت بنصف الشقه زي ما قلتلي  
حسن وهو بيزق الباب بقوه . فضحانا ف كل حته . و بتخانقي مع الراجل . انتي  
تعرفي هو يبقي مين يابنت الكلاب  
ريم بفزع و عيون بتبحث عن منجد . مش هعمل كده تاني ارجوك  
حسن زق الباب وفتحته بسهولة . هو اساسا كسر قفل الباب قبل كده علشان  
ميعرفوش يهربوا منه .

ريم ب انهيار ارجوك يا حسن بلاش بلاش والنبي جسمي ورم من الضرب .  
حسن بغضب و نزل فوقها ضرب وهي بتتلوي و من كتر الوجع مفيهاش قوه تصرخ او  
حتي تعيط

نزل فوقها عشرات الضربات .  
و ريم ف حاله من العذاب  
فجاءه وقف  
حسن بعنف تقومي دلوقتي . تستحمي و تغيري هدومك دي و تروحي ل البيه  
تروقيه الشقه . فاهمه ؟ و بيشاور بالعصا

ف صرخت ريم بقوه حاضر حاضر  
خرج حسن من اوضتها .

ف استرخت عروق جسم ريم و بدات قوتها ترجعلها . ف بكت و تألمت و تأوهت  
ريم بتحاول تقف و جابت هدوم من دولابها . و هي بتتحرك فجاءه . شافت نفسها ف  
المرايه ف بكت ب مراره . و صعبت عليها نفسها  
ريم دخلت تستحمي . و الميه بتحرق ف علامات الضرب اللي ع جسمها . و افكرت  
اللي جاسر قاله ع شكلها . ف زعلت اكثر و لما افكرت انه السبب ان حسن  
ضربها بكت من جديد .

راحت اوضتها بحركه بطيئه .  
لبست حاجه جميله رقيقه بلون وردي بنص كم و فتحه صغيره عند الرقبه و لحد  
الركبه .  
اظهر معالمها الانثويه  
و زاد جمالها لما سرحت شعرها الناعم المصبوغ بلون اشقر غامق . و راحت ع  
شقه جاسر .

جاسر بيتمشي ف الشقه و بيبص بزهد للركبه اللي حواليه  
ف قعد ع الكرسي بعد ما اخذ شاور طبعا بعد الميه اللي ريم غرقتة بيها  
و زاكرته اخذته ليها . بملامحها الجميله الرقيقه و شعرها و صوتها وشكلها  
الهمجي ورغم كده كانت بردو جميله .  
و ليه شاف الخوف ف عيونها . معقوله خافت منه .

جاسر بضحكه بريئه اكيد خافت .لدرجه عيبت كمان .ف ضحك تاني.  
جاسر بتمهل بس ليه خافت من الراجل باباها دا ؟

فجاه رن جرس بابيه ف ضحك اكيد هي.

ريم واقفه قدام الباب و حاسه بضعف مذله انكسار ظلم و عيونها ف الارض . و  
بتحاول جاهده تكتم دموعها علشان مش يشمت فيها .  
بس ازاي تكتم دموعها ووجع جسمها لسه مطابش .

جاسر فتح الباب بابتسامه نصر  
فجاه اندهش بنوته جميله بشعر جميل ولبس رقيق و جسم انثوي . و عيون بتلمع  
و حدود حمرا جمر ملتهبه من البكاء و شفایف مورده .  
جاسر ب شك . انتي مين  
ريم بهدوء وبتحاول تسيطر ع صوتها الباكي : انا ريم .  
جاسر بضحكه خفيفه من براءتها و هدوءها .  
جاسر برخامه ريم مين

ريم بصتله بعيون مستغربه وقالت ب رقه انت بجد مش فاكرني ؟  
جاسر بضحك ع جمال اسلوبها و رقتها  
جاسر برخامه . انا فاكر بنت شعرها متبهدل و لبسها كله ميه  
ريم بعبوس طفولي وبتبص ف الارض و رقه . مش تتريق عليا  
جاسر و يبصلها بحنان و ميعرفش ازاي نسي انها اتشاكلت معاه ويبصلها  
ببراءه و سلام  
ريم بصاله ومستسلمه ل ملامحه الجميله . و نست خالص انه اتعصب عليها و  
عاملها بعنف و كان السبب ف ضربها .  
زي ما يكون نغمه ضحكته صالحتها و منحتها الامان

جاسر بهدوء و سعادة اتفضلي  
دخلت ريم و بدات تتفحص المكان بعيونها .  
جاسر بصرامه و رانا شغل كتير اووي  
ريم بصتله ببراءه وقالت ب انوئه متقلقش ثواني وكل دا يبقي جاهز .  
جاسر واقف بجسمه الصلب القوي .بس لا هو و لا هي حسوا ب وقوع قلبه .  
جاسر بجد انجذب للجانب الهادي الانثوي دا اللي جواها .....سحررررر  
ميعرفش ان البراءه و الانوئه و الرقه الزايده دي مجرد فطره انثويه . بتظهر  
بقوه بعد فترات الضرب او البكاء او الظلم .بيبقى .  
ف وقت ضعف انثي .....

ريم حست بنقاء المكان .ف نست العلقه السخنه .و بدات تتحرك بخطوات ناعمه ف  
المكان و فرحت بجمال المكان .و زاد فرحتها خطوات جاسر القويه اللي بتتبع  
خطواتها الناعمه .كانها سند و دعم ليها .  
و جاسر ماشي وراها بطريقه عمياء  
مش عارف ايه اللي جراه

ريم و عيونها ع الاوض قالت ب رقه ابدأ منين  
جاسر وقف قدامها بقامته الطويله و بنيته القويه وقال ب حنان قصدك نبدا  
منين  
و ضحكها ب ابتسامه خلت حدوده الرجوليه يترسم عليها احلي غمازات  
ريم وهي سرحانه ف ضحكته . غمازاتك حلوين  
جاسر بانجذاب وانتي خدودك تجنن  
ريم ب انتباه و دهشه ايه؟  
جاسر وهو مركزز فيهم . هو ايه اللي حمرهم كده  
ريم ضحكت بخجل . و هل يوجد افضل من ضحكه ال انثي بعد البكاء .  
جاسر حرام عليكى . ارحميني . مكنتش اعرف انك لما بتستحمي بتحلوي اوووي كده

ريم بغضب لا والله  
جاسر بهدوء و مسكها من حدودها متفكريش تاني مره تعلي صوتك عليا تاني  
.فاهمه  
ريم بعد ايدك عني  
جاسر غضب من معاملتها الجافه دي  
جاسر ب جبروت طب يلا نضفي بقا و مش هساعدك

ضحكت ريم بسخريه خفيفه  
جاسر بتضحكي ع ايه  
ريم اصله عقاب سهل يعني . كنت بحسبك هتضرب

جاسر قرب منها . وقال بمعاكسه بتحبي الضرب ؟  
ريم بزعل لا طبعاً  
جاسر باهتمام . بس بس خلاص متزعليش .  
ريم بصت ف الارض بوجع لما افكرت ضرب حسن ليها

جاسر بحنان و بيملس ع شعرها . و بيبص لعيونها اللي بتحاول تهرب منه  
خلاص بقا مكنش قصدي ادايقك

ومسك كتفها ب ايده ب حنان ووقفها قدامه  
و قال . انتي رتبي دي و انا هرتب دي

و طبطب ع زهرها بحنان تشجيع ليها  
ف غمضت ريم عيونها ب ارتياح  
دفع ايده ورقتها خفت اثر ضربه ع زهرها

الفصل الثاني



ريم و جاسر خلصوا ترتيب الشقه  
ريم بتنهيده تعب. الحمد لله اخيرا  
جاسر رمي بجسمه كله ع الكرسي الكبير . و نام ع ظهره بجسمه كله و حط ايده  
الاتنين ع وشه .مغمي عيونه .  
ريم بصاله و هو متمدد ع الكرسي ب جسمه كله و هدومه الانيقه استرخت معاه و  
انحنت ع جسمه ف اظهرت بنيه جسده و هو مسترخي زي الطفل ب اهمال . و  
غمزاته الجميله اللي ف حدوده الرجوليه و شعراته . و لا شفايفه ....  
ضحكت ريم ب هدوء و رقه عليه و غيرت وشها الناحيه الثانيه بسرعه .بجد  
وضعه دا . اربكها جدا .

جاسر بعد ايده عن عيونه اخيرا و عيونه ف السقف و بيتنهد بشده  
جاسر بصوت رجولي متعب. اااااا . اول مره يحصلي كده . ياريتني ما ساعدتك و  
بصلها بتذمر طفولي .

ريم باستغراب و ضحكه هاديه لا والله  
ريم بهدوء و رقه و بتبصله بقوه . شكلك متدلج اوي يا جاسر .  
ضحك جاسر بقوه .ضحكه رجوليه ساخره .  
ف ادايقت ريم من التصرف دا .ف بعدت نظرها عنه و قعدت قصاده مكشره .  
جاسر لاحظ زعلها .  
جاسر ب جرح عميق و بكذب علشان يراضيها . ايوه انا  
متدلج .  
ريم بهدوء طب تمام بدال اعترفت ب غلطتك .  
و قالتله باسلوب مازح . قوم بقا اعملنا قهوه ب ايدك الجميله دي .  
جاسر بحماسه . انا عليا فنجان قهوه .يجنن  
ريم ضحكت ب رقه . و انا موافقه اتجنن  
ف ضحك جاسر بهدوء و ارتياح

قام جاسر ع المطبخ . و ريم متابعا بعيونها . و قد ايه القعه معاه مريحه  
.

ريم بعد ثواني اتحركت ب قامتها الوسط و جسمها الانثوي و خطواتها الناعمه  
و راحت عند جاسر .  
ف جاسر حس بخطواتها  
جاسر بصوت رخيم . انتي مستعجله ولا ايه . انا هعملها ع نار هاديه .  
ريم ب هدوء لا مش مستعجله و بصتله بملامح انثويه بريئه .بس هو ممكن اسالك  
سؤال .  
جاسر بهدوء اتفضلي  
ريم . بتردد . هو انت ازاي هادي كده . انت الصبح كنت عصبي اوي وانا خفت منك  
.

جاسر بصلها بحنان و ضحك بهدوء . خفتي بس ؟ دا انتي عيطتي كمان .  
ريم باحراج و عيونها بتهرب من عيونه ما انت كنت قاسي وقتها اوي .  
ضحك جاسر ب رقه و حب يدايقها و انتي الصبح كنتي وحشه اوي . ايه اللي كنتي  
عملاه ف نفسك دا .

ريم بصدمة و عيون مبرقه و اندفعت بسرعه من قدامه علشان تخرج برا شفته و ع وشها الزعل و الاحراج .

ف ضحك اسر بسرعه وراح اندفع وراها علشان يلحقها .

ريم بتمشي بسرعه و مدايقه من كلامه و عيونها بدات تلمع من الدموع . هو مفكر نفسه مين .

جالها صوته من بعيد  
جاسر بضحك استنى بس يا مجنونه . بهزر بهزر  
و ريم تمشي اسرع و بطفوليه تبهدل حاجات ف طريقها و توقعها .  
جاسر راح ناحيتها بسرعه و مسكها بقوه من اكتافها  
جاسر بضحك. ايه انتي هتعيطي تاني و لا ايه  
ريم وهي مدايقه من ضعفها دا  
ريم بضيق اوعي ابعد عني  
جاسر بهدوء طب و القهوه  
ريم ب اندفاع اشربها لوحدك يا بارد . اصل خساره انا مش حلوه . مينفعش  
اشربها معاك . و بصتله بزهدق

جاسر. خلاص بقا يا ريم . ميبقاش قلبك اسود . و بعدين الحلوه حلوه الروح .  
ريم ادايقت اكثر ووشها احمر من الغضب .  
و بدات تدفعه ف جسمه دفعات ب قبضتها الصغيره ب ضعف و ب صرخات طفوليه  
بتذمر .  
و سابتة و فتحت الباب و خرجت

ضحك جاسر ب قوه  
جاسر لنفسه . هو انا ليه بدايقها .... هو انت بتحب تشوف دموعها و ضعفها  
ولا ايه و ضحك ببلايه  
جاسر بجديه لا لا كده مينفعش . كده غلط . مش هدايقها تاني .  
جاسر بابتسامه رضا . و عيونه ع باب الشقه بتاعته اللي قفلته بتبقي جميله  
اوي يا ريم اما بتزعلي .

ريم راحت شقتها بزعل و خاطر مكسور . معقوله شايفني وحشه .  
خبطت ع باب شقتها لقت حسن بيفتح ووشه احمر من الزهدق .  
ريم بفزع و عيون مصدومه بصتله .  
حسن باصصلها ببرود و مشي من قدامها ب اهمال .  
ريم جرئت بسرعه ع اوضتها  
وقفت قدام باب الاوضه بصدمة و ذهول  
لقت اختها بسمه توأمها . اختها الصغيره عنها ب دقايق . قاعده ف ركن ف  
الاوضه بتعيط و تأن زي القطط  
ريم بعينون مبرقه و صوت مبجوح . بسمه ؟  
ريم قربت عليها بسرعه علشان تظمن عليها . ف صرخت بسمه بهيستريا و بتحاول

تبعده عنها .  
ريم بصوت قوي عنيف. :: حسن !!!!!!!

قامت ريم من جنب بسمه و راحت ف الصاله قدام حسن .لقتة قاعد ببرود ف الصاله و بيمسح التلفزيون  
ريم بصوت بارد. و بتبص بعيونها ع التلفزيون. ضربتها تاني ؟  
حسن ب اندفاع رفدوها من الشغل و مدوهاش فلوس الشهر . و قال بعنف.  
جايلي فاضيه بروح امها .

ضحكت ريم ضحكه بارده خاليه من اي مشاعر لا فرحه ولا خوف ولا حتي غضب .

ريم وعيونها ع الترابيزه .وقالت بجمود لا برافو يا حسن  
حسن بتحذير. بقولك ايه يا ريم نوبات الهبل و الجنان و الصرع اللي عندك  
دي تنسيها خالص .فاهمه ؟

ضحكت ريم بشراسه لا ومالو  
و مسكت ازازه الخمره اللي كانت قدامه ع الترابيزه و رمتها بقوه ف الحيطه  
اللي وراه  
ف انتفض حسن من نوبات الجنان دي اللي بتيجي ل ريم .  
ريم بقوه . اياك ابدأ ابدأ تلمس اختي بسمه تاني او تضربها .فاااهم  
!!!!!!؟؟؟؟?  
حسن بخوف حاضر حاضر و الله ما كنت عاوز اضربها بس هي استفزتني  
حسن وهو بيقرب منها حرام عليك يابنتي انا زي ابوكي ارحميني و قرب ناحيه  
ريم اللي واقفه ب ثبات

و فجاه  
مسك ايدها الاتنين بسرعه بقوه و كتفهم ورا ضهرها و بدأ يجرها بعنف وراه  
ريم بتقاومه بس مش عارفه . هو اقوي منها  
حسن شدا ووداها ف البدروم . مكان ضلمه فاضي ورمها فيه .  
حسن بغضب. علشان تبقي مجنونه بقا حق و حقيقي و قفل الباب بسرعه و اخفي  
اخر شعاع من النور كان واصلها ف الاوضه الضلمه دي

ريم وقعت واقعه جامده  
بتحاول تعادل ف قعدتها بهلع  
و ضمت ايدها لجسمها و ركبتها تلقائي و دفنت راسها بينهم و حاولت تفتكر اي  
لحظه حلوه مرت بيها علشان الوقت يعدي بسرعه و حسن يخرجها

ريم جه ع مخيلتها جاسر بس لما افكرت قسوته ف اول لقاء بينهم و بعدين  
كلامه انها وحشه شهقت ببكاء و حاولت تلاقي زكري حلوه .  
بسمه اختها قاعده ف اوضتها حزينه ع اختها و ع حالهم

ف شقه جاسر  
جاسر قاعد ف اوضته .كل شويه يفتكر شكل ريم وهي زعلانه و عيونها اللي  
دايما بتلمع بالدموع .كأن الدموع زينه ملزماها و خدودها الحمرا و  
شفايفها الوردي  
و يضحك  
جاسر بتفكير . يا تري هي زعلت مني اوي ؟  
جاسر بتفكير مكنش المفروض تعمل كده يا جاسر .  
مممم طب اصلحها ازاي دلوقتي  
يا خبر .معقوله كلامي وجعها اوي كده

جاسر قام بسرعه و راح ضرب جرس حسن .  
حسن بضيق . مين  
جاسر واقف مستني ريم تفتحله .  
حسن قام وفتح لقي جاسر  
حسن بترحيب اهلا يا بيه اهلا .ازيك  
جاسر بصرامه لا لا مفيش داعي .انا بس كنت عايز بنتك تيجي عملي حاجه كده  
.اصل و حك دقنه بايدو .اصل هي نست عملها .سابت كركبه و جت

حسن بتفكير مممم ماشي يا بيه ثواني و ابعتها اتفضل ادخل.

جاسر دخل الشقه بهدوء و صرامه و كان فرحان و حابب يشوف الشقه اللي جنيته  
الصغيره عايشه فيها .

حسن دخله اوضه الاستقبال بسرعه قبل ما ياخذ باله من الكركبه و الخمره و  
الازاه المكسوره اللي كانت ف الصاله  
و بالفعل جاسر مخدش باله منهم .  
و كانت عيونه بتتعمق اكثر ف الشقه من جوا .مممكن يلح ريم و هي بتنضف او  
تغني .

حسن اتفضل يا بيه اقعد .  
حسن بارتباك . انا انا هنزل اجيب ل حضرتك حاجه ساقعه من تحت .  
جاسر بصوت رخيم اتفضل .خد وقتك  
وبالفعل حسن نزل تحت . و ساب باب الشقه مقفول .  
جاسر قاعد ف الاوضه و بيحاول يكج او اي حاجه يمكن ريم تعرف بوجوده هنا ف  
تجيله .

بس محصلش حاجه جديده ف قام جاسر بغضب و بدأ يمشي بثبات ف الشقه .  
مشي ناحيه اوضه .شبه مقفوله  
راح عليها و فتح بابها بهدوء

لقي بنوته جميله بنفس العيون و نفس الشعر المصبوغ بالاشقر الغامق و نفس  
الخدود و نفس الحمار .نايمه ع السرير و حاضنه مخدتها بوجع و عيونها  
نازله ع خدودها و شفايفها و سرحانه لدرجه مخدتها بالها ان ف حد فتح باب  
الاضه .

جاسر بعيون مبرقه و صدمه : مين اللي عمل فيكي كده  
بسمه قامت بسرعه مخضوضه و رجعت بجسمها ل ورا لحد ما ارتطمت بالحيطه ف  
اتفزعت اكثر .

جاسر بحنان و هدوء بس بس اهدي .دا انا ....جاسر !  
بسمه بتبصله بعيون مفزوعه و جسمها بيرتعش

جاسر قلق عليها اوي ف قرب منها بسرعه و جه يمسك ايدها .صرخت .  
جاسر بهدوء بس خلاص ...متخافيش ...مين اللي زعلك قوليلي .  
بسمه بخوف. انت جاسر. جارنا الجديد ؟  
جاسر بحنان ايوه يا وردتي الحمرا. انا جاسر  
بسمه بتساؤل. مين وردتك  
جاسر بضحك خفيفه بدون صوت . و بعد ما اطمن عليها .  
جاسر ب رقه انتي وردتي الحمرا ....قوليلي بقا مين اللي حمر خدودك كده  
بسمه بصاله باستغراب و حيره  
جاسر بصوت رخيم. اهو انا دلوقتي عرفت ليه خدودك حمرا ....من العياط  
صح....  
و مد ايده ع خدها ب رقه و قال بصوت رجولي هادي. كنتي بتعيطي ليه  
بسمه زقت ايده بقوه وقالتله بغضب وانت مالك و ايه اللي جابك عندنا و  
ازاي تتجرأ و تدخل اوضتي .

جاسر ادايق من لهجتها دي ف الكلام .  
جاسر بصرامه . مقولتليش بردو .كنتي بتعيطي ليه

بسمه قامت بسرعه من ع السرير و كانت خارجه من الاوضه  
جاسر مسكها من كتفها بقوه  
جاسر بغضب هادي. رايحه فين  
بسمه وهي بتبصله. ايه اللي بتهببه دا . ابعده عني  
جاسر بتحذير. انا قلتلك قبل كده . اياكي صوتك يعلي عليا

بسمه باستغراب. انت مجنون انا مره اشوف .

فجاءه جه حسن و بسمه حست بخطواته عند باب الشقه  
بسمه ب بسرعه ابعده عني حسن جه  
جاسر بصرامه هتعملي ايه بعني  
بسمه بعيون متوحشه مش انا اللي هعمل . هو اللي هيعمل  
ضحك جاسر بهدوء . طب ومالو

فجاءه حسن وقف قدام الاوضه  
حسن ب. ريبه بتعمل ايه هنا يا بيه  
جاسر وهو لسه ماسك ايد بسمه  
جاسر بصرامه . كان ف فلوس كتير ف اوضتي و فجاءه اختفوا  
حسن بصدمه . عملتها ؟ اه يا بنت الكلاب  
جاسر و معجبوش طريقه حسن دي ف قال بصرامه انا مخلصتش كلامي  
بسمه واقفه مستغربه  
جاسر بصوت رجولي. يا هي اخدتهم و دا بستبعده . يا إما حطته ف مكان ثاني و  
دا اعتقادي . ف كنت عاوز اعرف منها هي حطتهم فين .

حسن حاضر يا بيه ثواني بس . روح انت بس .  
جاسر بصرامه ماشي  
و اول ما جاسر مشي  
حسن . بسمه هاتي ريم من البدروم و تغير هدومها و تروحله حالا . لما نشوف  
بنت الكلاب دي عملت مصيبه ايه  
بسمه بخوف حاضر

بسمه راحت فتحت الباب ع اختها  
ريم برعب مين  
بسمه بحنان دا انا يا قلبي . تعالي بسرعه غيري هدومك و روجي ل جاسر بيه  
ريم بسعاده . جاسر . بجد . بس حسن  
بسمه حسن هو اللي قالي .  
ريم بخوف طيب حسن فين  
بسمه نزل تحت يجهز للزفت الليله و الشرب مع اصحابه  
ريم بخوف و رعشه  
بسمه . بحنان متخافيش يا قلبي . باتي مع بنات عمك متولي وانا هروح ابات  
عند خالتي  
ريم بارتياح حاضر و بعدين قالت بسعاده . هو بجد قالك اروح ل جاسر  
بسمه ايوا يا قلبي . يلا نغيرلك هدومك دي  
وبالفعل ريم بدات تغير هدومها بسعاده  
بسمه يلا خلصتي  
ريم بتردد . بسمه حطيلي شويه ميك اب زيك  
بسمه حاضر . و خلي بالك من نفسك . انا واثقه انك ماخدتيش حاجه من فلوسه  
ريم مكنتش مركزه ف كلامها خالص . معقوله هتروح عنده ... يعني بعد البدروم  
الضلمه . تروح ل جنبه جاسر . قد ايه بتحس معاه بالامان والراحه و حنيته  
عليها .

جاسر بيتمشي ف شقته بخطوات قويه و مدايق من كلامها لما كان ف اوضتها .  
.... جاسر مييعرفش ان ريم عندها توأم . و لما شاف بسمه ف الاوضه فكرها ريم .  
وهو دلوقتي مدايق من معاملتها الجافه معاه  
جاسر بتوعده . ماشي يا ريم

بسمه نلت ع السلالم رايحه عند خالتهها .  
و ريم قفلت باب شقتهم و جريت بفرحه ناحيه شقه جاسر  
ضربت جرس الباب و هي متشوقه موت انه يفتحلها و تشوف عيونه و ملامح وشه و  
تسمع صوته

جاسر فرح لما سمع جرس الباب و راح بسرعه وفتح  
لقي  
بنوته جميله لابسه دريس جميل لحد الركبه و ب حملات ثقيله نازل ع جانب  
اكتافها و شعرها الجميل اللي جاي ع جمب و خصلاته نازله ع خدودها . ف  
رقتها . ف كتفها ف صدرها و انتهى عند بطنها .  
جاسر بصرامه مصطنعه اهلا اهلا . اتفضلي  
ريم ب رقه و لهفه جاسر  
جاسر بصرامه لا لا متحاوليش تستعطيني . حسابك بقا كبير اوي معايا  
ريم بقلق ليه . انا دايقتك ف ايه  
جاسر مسكها من كتفها و سحبها ل جوه و قفل الباب وهي مستسلمه ل جاسر .  
ريم وهي بصاله بلامح رقيقه مالك يا جاسر . في ايه  
جاسر بصرامه . اشمعنا المره دي سيباني امسك كتفك . فين عصبيتك  
ريم بحيره . ايه . مش فاهمه  
جاسر بصوت رجولي . هوسس مش عايز اسمع صوتك  
و راح ع اوضته  
ريم واقفه مستغربه و . فرحتها راحت . هي كانت مفكراه هيبيقي رقيق معاها  
اكثر من كده . ف قعدت بزعل و هدوء ع الكرسي . و اقتنعت خلاص ان مفيش حد ف  
الدينا هيبيقي حنين معاها و يقدرها ك بني ادميه .

جاسر عمل القهوه بسعاده و راحلها  
ريم بفرحه و سعاده هيبيبييه  
جاسر بسعاده و راح قعد جمبها  
جاسر ب رقه . فنجانك اهو يا قمري  
ريم اخدته و بدات تشرب منه بتلذذ و جاسر بيصلها باهتمام و حنان وحب  
وريم بصاله بعينونها اللي بتضحك قبل شفايفها .

ريم بكثوف و صوت رقيق . بتبصلي ليه  
جاسر ضحك بهدوء . و مردش عليها و شرب فنجانها اخد منه رشفه  
وريم بصاله بحب وحنان و اهتمام  
قد ايه هو هادي و ملامحه جميله و هاديه  
جاسر اخد باله .  
جاسر بصلها بضحكه و غمازاته ظهرت . بتبصلي ليه وغمزلها  
ريم بطفوليه . عايز ادوق فنجانك

ضحك جاسر بقوه وقال بحنان . بس كده ؟  
ريم ب طاعه . ايوه بس كده  
جاسر بسعاده اتفضلي يا قمري

ريم اخدت منها رشفه .  
و جاسر بيصلها بعمق . نفسه يدخل جواها  
ريم ادتهوله تاني  
ريم برقه . اتفضل يا جاسر  
جاسر بحنان ايداه ملس ع خدودها بحنان . كملها يا وردتي

ريم برقه . بس بس...  
جاسر قاطعها و حط ايده ع شفايفها وقال بحنان هوش اسمعي الكلام  
و بدات ريم تشرب الفنجانيين بسعاده و جاسر بيوصلها بعمق . عيونه مش بتنزل  
من عليها .  
ريم فضلت بصاله لحد ما شبعت مريمملاحه  
وبعدين بدات تتكثف  
ريم برقه و تدمر طفولي وبتدعك ف كف ايدها وباصه ف الارض . بس بقا يا جاسر  
جاسر بضحكه هاديه بس ايه ؟  
ريم ب اندفاع طفولي بطل تبصلي  
جاسر عمل نفسه زعلان . بقا كده . طب زعلان منك بقا هه .

ريم بصوت رقيق و دفاع لا مش تزعل يا جاسر  
جاسر بزعل مصطنع مش تبصيلي ولا تكلميني . انا مخلصك

ريم بزعل و دموع خفيفه . لا يا جاسر مقدرش ع زعلك

جاسر بصرامه . مش عايز اسمع صوتك  
ريم برجاء . لا يا جاسر علشان خاطري

جاسر بغضب مصطنع . انتي غبيه مبتفهميش . كلام تاني معاكي مفيش

ريم زعلت اوي من نفسها ومن قسوه جاسر و معرفتش انه كان بيمثل عليها  
الزعل

ري بصوت باكي . جاسر! كلمني ومش هزعلك تاني ايدا  
جاسر بصرامه . انسي . اني اكلمك تاني .

ريم حطت ايدها ع وشها وبدات تعيط وتشهق بضعف  
ف رق قلب جاسر و ضحك وبطل تمثيل  
جاسر بحنان . لا لا مقدرش استحمل .  
جاسر ب رقه كتت بهزر معاكي  
ريم بصوت باكي وايدها ع وشها . لا انت مخلصني بجد

ضحك جاسر بقوه من طفوليتها و براءتها ورقتها  
ف بكت ريم اكثر  
جاسر مستحملش صوت عياطها ف لف ايده حولينها وضمها ع صدره جوا دراعاته و  
صدره و حضنه



ريم اتكثفت وحاولت تطلع من حضنه بس هو ضغط عليها برفق ف استقرت جوا  
ضلوعه  
وايدها لسه ع وشها

جاسر بحنان وهي ف حضنه . انا مستحيل اخاصمك او ارضي انك تبعدي عني يوم  
واحد . ريم انتي متعرفيش انا اتعلقت بيكي قد ايه  
ريم بعدت ايدها عم وشها ولفتها حوالين زهره  
ف سند جاسر راسه ع راسها

ريم بصتله و بصوت ضعيف مش تقسي عليا تاني يا جاسر  
و اوعي ابدأ تزعل مني  
جاسر بحنان . حاضر وحضنها اكثر

بعدها بدقايق  
بعدت ريم عنه بخجل  
ف جاسر حس بتوترها ف سابها براحتها  
جاسر ب رقه . تحبي نعمل ايه دلوقتي  
ريم ب رقه و عيونها ف الارض بكثوف . دلوقتي هروح عندنا احضر الاكل  
جاسر خليكي معايا شويه  
ريم بحنان حاجي بكره  
جاسر بحنان . اوك وخلي . بالك من نفسك  
ريم ب طاعه حاضر

و قبل ما تتحرك خطوه من قدامه .مسك وسطها بخفه و برقه و قربها منه ف  
انحنت ف وقفها قصاده وهو قاعد . و باسها من خدها بحنان وبعدين بعد ايده  
عنها ب هدوء

ف انكثفت ريم بشده من الحركة دي و حطت ايدها ع خدها و جريت ع شقتها  
بخجل و سعادة مكتبوته .

ضحك جاسر بسعاده و ارتياح  
و ريم قاعده ف الشقه بتراجع مواقفها معاه  
وبتضحك بخجل

بعدها بساعتين  
جه . حسن ومعاه صحابه  
ومنهم واحد ٣٠سنه بيرخم ع . ريم لدرجه ف مره اتناول عليها .بس بسمه جات  
وانقذتها

وليد . اول ما شافها غمز لها بطريقه قذره . ف خافت ريم . لان حسن هيسكر ووليد  
هيستغل الفرصه و بسمه مش هنا علشان تنقذها منه

وبالفعل بعد ربع ساعه وليد عمل نفسه رايح الحمام ودخل ل ريم اوضتها  
ريم بفرزع بصتله  
وليد بنظرات مقززه . وحشاني موت . الليله هتبقى ليلتنا يا قطه وبعدين  
سابها وراح مع الرجاله

ريم ف حاله رعب طب تعمل ايه  
ريم بفرزع جاسر . ايوه هروح عند جاسر  
ريم اتسحبت بسرعه وراحت جريت عند شقه جاسر  
قعدت تضرب الجرس و تضرب  
بس محدش فتح  
ريم ببكاء ارجوك افتح يا جاسر .  
بس جاسر مفتحش  
ريم سمعت صوت وليد ف خافت ف طلعت بسرعه ع اخر السلمه اللي جمب شقه جاسر

و بدأت عيط بفرزع ورعب وصوت مكتوم

### الفصل الثالث

ريم قاعده ع اخر السلالم منكمشه و زعلانه  
ريم بصوت موجوع و خائف . معقوله جاسر لسه زعلان مني  
ريم فكرت تطلع عند بنات عمها متولي وتنام هناك بس مجلهاش قلب تروح هناك  
من غير ما تظمن ع جاسر و تشوفه اءا كان لسه زعلان منها ولا لا .  
ريم وهي قاعده و سرحانه .  
سمعت صوت خطوات رجلين ع الارض  
ف احتارت .  
يا تري مين دا ؟  
ف فضلت معلقه عيونها ع باب شقه جاسر . كأنها بتستمد منه القوه .  
فجاه ظهرلها شبح طيفه  
شبح ظله  
ريم بعيون مفزوعه وجسد مرتعش و صوت مكتوم : ج...ا...س...ر  
وبالفعل كان ظل جاسر هو اللي اترسم ع باب شقته .  
جاسر واقف قدام باب شقته بيجهز نفسه علشان يفتح الباب بالمفتاح .  
ريم قلبها انتفض ب سعادته و فرحه و جريت ب اندفاع ع السلالم .  
سمع جاسر خطواتها الصغيره دي الي ع السلالم . ف هو اصبح مدرك لخطواتها ب  
جسدها الصغير . بالنسبه لجسده .

جاسر بص ع السلم باستغراب و فجاه ضحك بهدوء و قال بصوت هامس . ريم !  
ريم فرحت لما سمعت حروف اسمها بصوته العذب . و اختفت بسمتها بتذمر طفولي  
ووصلت اخيرا ل اخر درجه ف السلمه . ونزلت من عليها ب اندفاع طفولي شرس  
هادي .  
مسكت ريم ب ايدها الصغونه هدوم اسر من ناحيه بطنه و فضلت تزقه بتثاقل و  
ضعف ب ايدها الرقيقه و تصرخ بهدوء و تتذمر بطفوليه

جاسر بملامح مندهشه. و حنان. : ف ايه بس. مين اللي زعلك ؟  
و مسك راسها ب رقه ب ايده الاتنين  
جاسر و هو بيرفع راسه ناحيته علشان تبصله و تركز معاه : ريم حصل ايه  
فهميني ؟  
و ريم لسه بتضربه و تخربشه و تأن بصوت انثوي .بتأن بالظبط زي القطط .  
جاسر ب قلق. : خلاص خلاص. انا اسف. تعالي .تعالي معايا جوا . و فهميني  
زعلانه ليه

فجاء وليد طلع من شقه ريم ع صوت الدوشه دي  
ف استخبت ريم بسرعه جوا ضلوع جاسر .  
و بالفعل جسم جاسر كان كافي انه يخفي جسمها الصغير .  
ريم دافنه نفسها بخوف جوا و قدام جاسر .وهي وسط بين جسم جاسر و الباب

جاسر حس بتوترها ف فتح الباب بسرعه .ف دخلت ريم بتسلل .

وبعدين التفت جاسر ب ثقه ل ناحيه وليد  
وليد بيبصله و ساكت  
و كذلك جاسر بيبصله و ساكت بس نظرات جاسر كانت شرسه .مرعبه .

وليد ارتبك و دخل بسرعه الشقه .  
جاسر واقف لسه و عيونه تملكها الغضب و قبض ع ايده بعنف .

ريم ف شقه جاسر  
بتجري بحريه ف الشقه و مبسووطه ومبقتش خايفه و حاطه ايدها ع صدرها و  
ابتسامتها مرسومه ع شفائيفها و عيونها بتضحك هي دلوقتي بقت ب امان  
ريم راحت ع الكرسي الكبير ب اندفاع و اترمت بجسمها كله عليه بسعاده و  
ايدها ع قلبها .من كتر دقاته .

جاسر قفل باب شقته بهدوء و بدأ يتحرك بخطواته الثابته بهدوء .  
لقي ريم نايمه متمدده ع الكرسي بجسمها كله ف هدوء ف شكل مستقيم و ايدها  
ع قلبها و عيونها ف السقف و شعراتها الطوال مفرودين بنعومه جمبها .  
ريم حست ب خطواته .  
ف بصتله بعيونها و ع شفائيفها ابتسامه جميله .

جاسر وقف بقامته الطويله و جسمه القوي قدامها بهدوء مرعب .  
ريم بهدوء و رقه . : مالك يا جاسر  
جاسر بصرامه و صوت غاضب : مين الراجل دا اللي طلع من شقتكم .  
ريم مسكت شعراتها ب ايدها و بدأت تلعب فيهم بهدوء  
جاسر بصرامه . هو انا مش بكلمك ؟  
ريم بهدوء . دا صاحب بابا حسن  
جاسر بغضب و بيعمل ايه عندكم . و مين معاه جوه  
ريم قامت اعتدلت ف جلستها و قالت ب توضيح . جاين يقعدوا مع حسن شويه .  
جاسر بقلق و انتي كنتي بتعيطي ليه و جايه من فوق زعلانه و نازله فيا ضرب

و خرابيش  
ضحكت ريم  
جاسر ب حنان. بتضحكي ! انتي وقعتي قلبي  
ريم بعيون كلها حب. سلامته  
ضحك جاسر  
ريم بتة مر طفولي. وانت كنت فين . انا مستنياك من بدري  
جاسر ب ابتسامه واسعه. مستنياني ليه ...كنت واحشك ؟  
ريم □  
جاسر . مكثوفه مني ؟  
ريم ساكنه  
ريم بتهرب. انت كنت فين  
جاسر بصوت رجولي اشرحيلي الاول. كنتي بتعملي ايه فوق و كنتي زعلانه ليه  
ريم ب رقه. كنت مستنياك .  
جاسر بسعاده. ليه  
ريم بزعل. تحب امشي ! وجودي مدايقك !  
جاسر ب اسراع. لا طبعاً  
جاسر راح سند ب ركبه ع الارض وقدام ريم اللي قاعده ع الكرسي  
جاسر بهدوء و ايده ع وشها. اهون عليكى تسببيني لوحك !  
ريم ضحكت ب رقه وقالت بضحكه طفولي. لا  
جاسر طب تمام .  
ريم ب اندفاع. بس انت كنت فين  
جاسر قام و قعد ع الكرسي جنبها بتعب  
صوت بتنهيده قويه من التعب كنت ف الشغل  
ريم بدهشه انت بتشتغل ؟  
جاسر ب ضحكه رجوليه قويه لا والله ...صايح انا ؟ طبعاً عندي شغل .  
ريم ومش حاسه بقربها الجامد منه  
ريم بتساؤل و عيون بريئه. بس هو ف شغل بعد العصر ؟ انا ماشيه من عندك من  
بعد العصر  
جاسر بتوضيح ما انا روحت بصيت باصه سريعه وجيت .  
ريم باندهاش لا والله . و المدير سالك عادي  
جاسر ومسك دقنها ب ايده . انا المدير  
ريم بدهشه ازاي. مش فاهمه  
جاسر قام وقف. بصي انا هقوم اعمل حاجه نشربها و هفهمك كل اللي عاوزه  
تفهميه .  
ريم و حست ان روحها طلعت منها . لما جاسر قام من جنبها .  
ريم ب طاعه. حاضر

بعد شويه جاسر طلع من المطبخ  
جاسر. ملقتش حاجه . هنزل اجيب حاجه ساقعه من تحت  
ريم بقلق. لا مفيش داعي  
جاسر لا طبعاً مينفعش  
جاسر بدأ يتحرك ناحيه الباب  
ريم قامت جريت عليه بسرعه  
ريم بترجي لا يا جاسر .مش عايزه  
جاسر بحنان. يا ريم مش هتاخر  
ريم بخوف لا لا  
جاسر. انا راجع تاني  
ريم لفت ايدها حوالين صهره من ورا  
ريم ببكاء لا ارجوك يا جاسر. انا خايفه .متسبنيش لوحدي

جاسر لف ليها و ضم جسمها الصغير اللي بيشد فيه و يحضنه بقوه . و ضمه جوا  
حضنه  
جاسر بصوت حنون. وهو بيمسح ب ايده ب رفق ع ظهرها . بس بس خلاص .مش هتحرك  
من جنبك  
قعد يهديها لحد ما ريم هدأت و شهقاتها سكتت  
جاسر مسكها من ايدها و سحبها وراه ناحيه الكرسي و قعدها و قعد جنبها

جاسر بهدوء قوليلي. .خايفه من ايه!  
ريم بصتله بعيونها اللي كلها دموع و خوف  
جاسر بقلق و بدأ يمسح دموعها ب ايده و يطبطب ع ظهرها بحنان ....  
جاسر. خايفه من مين ؟  
ريم ساكته  
جاسر بحنان. ردي عليا يا ريم

لمتابعة باقة الرواية من هنا عبر الرابط التالي :  
[https://www.wattpad.com/631403081-  
%D8%AE%D8%A7%D8%AF%D9%85%D8%AA%D9%89-  
%D8%A7%D9%84%D8%AC%D9%85%D9%8A%D9%84%D8%A9-  
%D8%A7%D9%84%D9%81%D8%B5%D9%84-  
%D8%A7%D9%84%D8%AB%D8%A7%D9%84%D8%AB/page/3](https://www.wattpad.com/631403081-%D8%AE%D8%A7%D8%AF%D9%85%D8%AA%D9%89-%D8%A7%D9%84%D8%AC%D9%85%D9%8A%D9%84%D8%A9-%D8%A7%D9%84%D9%81%D8%B5%D9%84-%D8%A7%D9%84%D8%AB%D8%A7%D9%84%D8%AB/page/3)